

兩浙輶軒續錄

兩浙輶軒續錄卷五十二目

吳宗愛 趙昭 曹壽奴 林烈女 吳芳華

顧之瓊 黃宇鴻 闕玉 陳永靜 徐文琳

徐柏 陳氏 金述 張鴻逖 孟思光

翁桓 吳湘 王恭人 張瓊如 王儒姑

何蓮魚 趙淑 陸莘行 郭素媛 曾如蘭

姚靜芬 楊琇 諸嫻 俞桂 查惜

錢稚真 曹烈婦 朱宜人 陳芬 嚴曾杼

徐範 潘晚芳 錢復 胡節婦 陳蕙芳

趙德恆 浦烈婦 查孝女 戴禮 章孝婦

方瑛 吳氏 朱滿娘 李芹 梁小玉

方芳佩 陳瓊菴 蔡桓 程慰良 蘇晚蘭

朱 逵 徐 貞 陳敬襄 查蕙芳 周映清

李含章 金禮羸 秦 雲 張 淑 任夢檀

袁 華 查節婦 朱 澄 馮孝娥 俞光蕙

梅 清 吾德明 沈烈女 吳 玳 顧 慈

俞 繡 胡 緣 江 鈴 陸蕙心 孔昭蕙

張 密 張 安 蘇始芳 徐 荳 溫慕貞

溫廉貞 姚益鱗 張憶梅 潘本溫 陳長生

周星薇 葉令儀 葉令嘉 汪 璫 陳瑞輝

錢蕙纓 陳 瑛

兩浙輶軒續錄卷五十二

督學使者潘衍桐訂

吳宗愛

字徐明英室康人嵎縣教諭士驥女諸

許楣傳略康熙十三年秋精忠叛於閩偽總兵徐尙朝

寇浙東陷處州犯金華六月游兵至永康邑人鷹窠尙

朝令入宣言日以絳雪載者免時絳雪已寡聞亂匿母

家絳雪之幼也慧甚多藝能九歲通音律十餘歲父教

令作詩雪之輒工嘗代父與同年生倡和服其精當已知

為小女子作也乃大驚善寫生間作設色山水皆有致

繡回文詩鏡費見者歎雙絕既寡猶盛年以才故黜名

尤噪尙朝嘗官浙東故稔知之至是眾議行之以紓難

勢洵洵絳雪念徒死將胎桑梓憂乃慨然曰未亡人終

一死耳行矣復何言賊得絳雪喜即出境以兩騎翼絳

雪行甚謹至三十里坑絳雪度賊且止營給騎下取飲

投崖死或曰其地近溪口下有潭絳雪蓋投潭內死云

吳廷康序略余宦永康訪得徐烈婦殉節事乞名入為

作傳且播諸管絃以表彰之既傳絳雪之烈因以傳絳

雪之才則詩又烏可以彰之乃取王氏重刊本屬海鹽

陳孝廉其泰校勘序而絳雪兼工繪事其父娶邑

東芝英莊應氏故至今猶藏有絳雪書畫嘗從應掄亭

茂才乞得杏林春燕小冊設色精絕書法酷似董香光

然脂續錄聞秀吳絳雪情詞麗句不暇賞如送人北

河斤首于曹承

卷五十二

吳宗愛

一

海鏡火人忘月在天送外弟云夕照桑麻新鷺墩春風

桃李舊鱸堂春日漫興云寒食煙新官柳綠銅鑿天送

女桑穠憶外云貧家蔬筍憐佳節驛路風波阻遠人

某世弟云負笈曾稱高足弟閉門重著等身書送外云

遠志誰人呼小草荷花自昔號夫容暮春詩云社燕將

雛花漸落晴鳩呼婦甚初紅皆膾炙人口豔絕一時

朝詩別裁集初刻一卷之末有合肥龔尚書題絳雪畫

晴雪裏自臨眉黛寫青山沈尚書評云其顏想像亂峯

人品高潔可知林下之風不止閩房之秀

草翎毛著色山水亦佳

在父任作下卷為綠華草歸永康作稿

章汝銘曰予在嘉善時於龔太守筵上和鷓鴣天詞一

夕中得十數首次曰吳教諭贈予詩云詞人按板稱三

影文士濡毫擅八義前繫小序用駢體中有云吟詩希

逸兒郎擅風月之名泛水元真奴婢悉漁樵之選全篇

典麗稱是余愛玩不忍釋手及詢之乃知其少女代

作也女名絳雪教諭有三女俱能詩此其最少者

張南士曰女史吳絳雪淑而多才早寡抱姊子為繼作

詩云子易陰陽柏榮分姊妹花案太平清話宋高宗時

高麗國進陰陽柏一株僅二尺許每歲左華則右實右

華則左實以陰陽柏對姊妹花工巧絕倫又七律云人

詩似舅同無忌我義生兒讓莫愁案莫愁有二樂武帝  
歌云河中之水向東流洛陽女兒名莫愁莫愁十三能  
織綺十四采桑南陌頭十五嫁為盧家婦十六生兒字  
阿侯此莫愁與妓名莫愁者迥別以之對宋書何無忌  
典巧不繼晚唐詩西園公子名無忌南國佳人字莫愁  
推為千秋巧對此亦以無忌莫愁作對而另有二人真  
天造地設也

舊宮人

宮人王氏少時入福王宮亂後流落江南寄食尼庵家君曾見之談舊事甚悉命作詩紀之

回首深宮淚暗彈過江消息路漫漫霓裳有譜春聲老綺閣  
無人夜月寒空悔雨雲離楚峽不隨雞犬侍淮安衣箱賸有  
君王賜零落寒宵秉燭看

題畫

嫩柳幽花驛路遙江村一曲雨瀟瀟分明指點揚州路細馬  
春過阜茨橋

小園

可斤首干寶錄 卷五十二 吳宗愛 二

小園新雨後遊覽約鄰娃水漲荷錢長闌陰柳綫斜機忘親  
野雀坐久密飛花更愛鑪聲細冰甌共試茶

齋居雜詠

春雨何纏緜幽闔聽不足昨夜吐明蟾清光如可掬晨起覽  
窗紗灼灼明朝旭苔色自蒼涼庭柯淨如沐頓復起濃陰峭  
寒風斷續乍雨乍晴天雲霞無定局關心數殘紅循闌行屈  
曲一鳥忽飛來嘯破曉煙綠

春閨寄和祁修媽女史并序

唐時有光威哀姊妹三人聯句成七排十二韻女冠  
魚元機和之山陰祁修媽女史偕其二妹依唐人體  
韻共成春閨一首遙寄素聞夏初無事與素聞依韻  
和之以覓便寄焉時康熙壬寅四月己酉日也

千巖秀處多才士珠樹今聞姊妹三素映月清才成錦宇臨

風玉質怯春衫絳堂開綠野心殊羨障設青綾耳素諳聞真

箇相如原作女祇憐崇嘏不為男雪妝樓有記焚香讀弈局

無書仗悟參聞鑑下填詞分按譜花前作畫共書銜雪沽春

暫質黃金鑷瀾茗親調白玉簪聞折到薔薇深耐冷咀來橄

欖待回甘雪珠璣錯落清詞擅蘭蕙芬芳妙舌含聞銀箔愁

聽鶯睨皖晶屏低隔燕呢喃雪餐花人好途偏阻漱玉才高

對恐慚聞林下高標徒恨望煙雲重繞越溪南雪

訪淨因淨因慈照庵尼俗姓周名翠翠早算出家後更今名

遙聞清梵響空山一帶祇林盡日關曉照初臨禪院靜飛塵

不動佛旛閒長隨松下披緇衲無復花前理翠鬢笑我此來

因聽講蓮臺坐下肯空還



王駙馬園林

畫戟淒涼對落暉園林有願竟心違殘花帶雨依荒砌老柏  
參天守故扉鳳去秦樓池苑在鶴鳴華表市朝非春來賸有  
堂前燕猶向妝樓故址飛

春日有懷素聞

別來愁緒起無端窄袖輕衫怯曉寒原上草薰春盎盎心中  
人隔路漫漫疎風小圃宜鶯粟細雨新蔬采馬蘭相憶無緣  
教縮地芳華不其倚闌看

擬寄衣曲

明月生東海光冷流黃機閒階絡緯嗁淒淒機上少婦背鏡  
坐秋深未寄征人衣當時出塞三千人男女見敵不見身此  
時共憶征夫苦一夜寒砧連萬戶萬戶寒砧何淒清哀鴻落

葉不堪聽風雪應深雁翼營夢魂不識關山道教妾織素若  
爲情

春日雜詠

宿雨迷離霧未消黃鸝聲裏路迢迢垂楊兩岸溪流緩一帶  
春陰綠過橋

貧女行爲外弟榮作

時外弟鄉  
試落解

世人徒誇黃金屋誰識柴門女如玉女貌嬌嬌芙蓉花女心  
耿耿女貞木鴉髻不爭時世新銅釵自惜容顏沃年年代作  
他人衣夜夜光分鄰女燭前年陌上百花香女伴相約踏春  
陽今年女伴不相待各自雙棲玳瑁梁祇有貧女貧如故韶  
華屈指芳期誤菱花照影自徘徊亭亭似怯曉風摧鳳凰未  
肯將鴉逐僊杏還期傍日裁爭奈時人無特識動從脂粉論

顏色坐使深閨老傾城藐姑山高求不得寄語天涯才子知  
早歌金縷莫教遲西子須逢浣紗日王嬙須遇未嫁時

題天台采藥圖

采藥見桃花還逐桃花去春巖瑤草香漸入雲深處

憶外

幾回歸信失秋葦砧杵聲中盼望頻別雁易傳天末信寄衣  
難稱瘦來身貧家蔬筍自佳節驛路風波愁遠人先後同居  
猶寂寞客邊舉目果誰親

趙

昭字子惠江蘇吳縣人宦光女平

湖諸生馬班室著侶雲居遺藁

新秋晚眺

山中多晚涼清風厲秋節遙瞻四五峯壁立皆奇絕修竹傍

林開喬松倚巖列黃菊散芳叢清泉凝白雪對此懷素心千里共明月願保幽貞姿歲寒雙筱潔

曹壽奴

字山姑烏程人著觀靜齋集

正始集山姑夫遠遊不歸順治乙酉湖州城破山姑侍舅姑避苕溪上幸免於難以節孝稱

贈伯姊

草有並蒂花木有連理枝果有合歡核豆有同根其魚或比目遊鳥亦比翼隨同功繭作緜合卷玉爲卮與子成一體手足安可離出必同車輪居必聯屋楣見月每共拜弄珠定雙嬾子妝我掠鬢子盥我捧匱我衣擣子砧子濯汗我私機張我續織鏡聽子兼持子褰我衾稠我舖子粥糜寒輒擁子背暑還扇我肌子女迭相抱帷帳恆並施生從比肩人歿以百歲期

林烈女

鎮海人

柳絮集順治三年大兵下浙江明魯王將方國安走台州氏為其下所掠矢志不從過百疊嶺以指血書此詞石壁上自投崖下死

絕命詞

生有命死有命生兮妾身危死兮妾心定

吳芳華

錢塘人諸生康某室

杭郡詩續輯芳華適康氏結縭三月兵渡錢塘從夫避地天竺為官軍所獲挾之北去題詩旅壁有云後之過此者為妾歸謝夫子當索我於白楊青冢閒也見春哀之

逆旅題壁

脂粉香殘未可收烽煙滿目擁邊愁但期死看江南月不願生歸塞北秋掩袂自憐鴛夢冷登鞍誰惜楚腰柔曹公縱有千金志紅葉何年出御溝

顧之瓊

字玉蕊錢塘人陝西道監察御史錢肇修母著亦政堂集

吳振棫曰玉蕊前後北征二賦傷心家國芬芳排側有離騷之遺蕉園詩啟則綺麗風華又不減玉臺一序也

其子石臣既刊其集又以其室人林亞清墨莊詩文姊氏雲儀詩集合梓之為錢氏一家言

詠史五首

秦王一豎兒長策馭海宇連雞鬪六王天闕守豺虎任好既已沒豈日盡賢主獨有一彈丸謂莫予敢侮咄哉君王后切玉如泥土膽落雌龍劍碎環不得語

晉室既喪亂電合龍鬪爭失勢虎變鼠得志鯤為鵬緬彼陶士行八翼上天門顧茲羽翼勞豈不念母恩荒廚既寂寞截髮難為情一朝感意氣千秋頌令名

吾愛魯陶嬰一言存衰宗智勇豈不貴有時遇其窮臧孫既卷舌嗟彼顏高弓保身重仁義攜孤還上邦窮嫠尙周禮禴

狄拜元公

秋風吹寒蘆蘆花遠極目何處蘆中人中夜抱蘆哭村邊有  
好女乘月浣春紗不見江水流但聞蘆中歌千金輕一飯之  
死誓靡佗婦人能知君君不知婦人白水持作鏡江月照空  
村  
交螭閒異錦襜帷垂簾簌百兩迎遠郊堂上更歌哭勞勞衛  
城門新婦辭膏沐今朝冢中骨昨日枝上英持志苟自信何  
用身分明大化有時盡天地終無情

烏絲曲

蠻娘曉嘯蜀山夢巫雲不行巫雨凍擷茜鏤冰作畫絲結撰  
胸前雙白鳳美人裁出胭脂紅元亭書客傷秋蓬小字盤龍  
記年月清溪鯉魚倏漂沒獨留朱字未磨滅千年尙識相思

訣我欲攜之獻天子汨羅古魂重呼起

遊淨慈寺

乘閒尋古迹拂草讀殘碑壑斷雲橫補峯高日倒垂梵聲搖  
遠岫塔影臥南池歸路饒佳興雙鬟唱竹枝

山城一葉下風雨共寒泉石老稀人迹松深冷嶼煙幽篁清  
寶地亂水過平田鼓枻隨雲去臨流思入元

黃宇鴻

字鴻輝仁和人通政使參議又  
謙女諸生願若鞏室著廣寒集

感懷

井序

予以多病少憩湖莊青衣相扶朱顏自媚戀春光之  
不再愴秋氣之爲悲聊賦選體一章敢擬秋興之篇

用代郊居之作

寒雨灑空館疎花媚幽砌羅帳溼芙蓉秋風深薜荔櫻桃二



月天香氣吹蘭蕙灼灼西湖濱誰不羨佳麗含笑或雙萼合  
歡常並蒂葉葉皆婀娜枝枝自搖曳翡翠明月珠羅列相閒  
綴五步揭清臚十步牽華袂一自鴟鳩悲始知桃李脆顏色  
幾時好小山託叢桂物序良足歎因之惜年歲

闕

玉

仁  
和

毛先舒小匡文鈔玉容貌端麗能詩文父亡與母及兄  
嫂居順治元年冬譌言徵選淑女玉母謀匿女無所有  
茶傭日過闕氏母詢外間選女狀傭狡揣知母意因言  
人情洵洵且聞媪有小姑里中將具報非匿懼不免具  
言某所居在村腹匿之可不慮人見母念女年才十三  
而傭夫婦樸老遂信焉事既息母將攜玉歸傭忽持豚  
蹄相致來曰幸託婚姻所以為好也母驚詰之曰某子  
已獲婿貴門大郎主之矣大郎者玉兄闕沈也初闕父  
付沈百金命權子母為玉嫁時裝沈既以狹邪蕩盡其  
妻小家子慮他日妝篋費欲藉譌言早遣之傭廉知其  
謀以數金餌沈求為其子擔糞者娶玉沈許之母知沈  
無狀慟哭向沈索玉沈持之力且以速訟為悃喝母竟  
無如之何玉在傭家尚待年號泣欲歸傭晉曰汝死吾  
家魂安歸乎於是令玉執爨飼豬鈕泥蒔灌足去縑約

頭如蓬葆迨疾甚始放歸玉曰兒今且死願埋別父  
側不作傭家鬼也復嚙齒曰兒嫂陷我語未畢氣絕死  
月餘沈二子及妻相繼死皆見玉現形縞之去沈大懼  
棄母避去玉所作歌辭為好事者傳寫周西生善琴譜  
其聲曰  
闕玉操

怨歌

父生我兮中道逝母莞莞兮門衰瘁兄嫂難與居扶我如目  
中之塵沙伊又邁此佻巧兮胡誑我之實多彼六禮之已愆  
兮曾貞女之貺從矧要予以桑中兮夫豈其為予之匹雙我  
有母兮瘋思泣血我父而有知兮怒衝髮我兄摩挲傭之金  
兮骨肉相蔑嫂旁睨兮笑言啞啞我忽憤氣兮如雲指漆室  
女以為正兮又告夫司命與湘君子不愛一死兮弗忍速阿  
母之下世願死而有憑兮為凶之厲嗚呼哀哉我終死兮魂  
獨歸去明告我母兮幽告我父匪我夙夜兮胡然遭此行露

也縱謂多行露兮甯能我之污也重曰嘉名為玉父之命兮  
幽辱糞壤終保貞兮憂思悄悄淚淫淫兮蒙恥忍詬目當心  
兮

陳永靜

字閒軒海甯人華亭葉忠節映榴室

杭郡詩續輯忠節死於夏包子之難閒軒奉太夫人以歸教養三子咸登仕籍

與圓明女師談禪

不落機鋒豈鈍根茶瓜留客話桑門蓮臺色相依然在龍鬣  
經函許共論幾杵霜鐘消白晝半龕燈火定黃昏繁華勘破  
真生受我亦生平拜佛恩

徐文琳

江蘇吳縣人海甯副貢陳堪永室

許淮祥曰文琳為相國陳之遴夫人燦族女幼字相國季子堪永堪永從父母于謫所未娶卒文琳齋志于母家或勸以他適文琳曰富貴而許之患難而背之我不為也越四年燦得請歸文琳曰吾今有家矣遂歸于陳

過蓮池庵訪圓明女師

精廬屈曲倚雲根松竹周遮不二門頓使塵緣都洗滌  
賴將世網一評論山花徑遠名難辨齋磬聲沈日又昏  
小衲壇前閒指點賜旛曾沐大君恩

徐

柏

海甯人陳之芳室

海昌備志徐年二十二廢居所遇極屯蹇嘗賦詩四章以見志

述志四首

錄二

二十才過喪所天麻衣漬血淚漣漣孤兒成立知何日  
愁極宗祧在一肩

糠粃無燄突無煙子影何難溝壑填忍死茹冰綠鬢子肝腸  
判與鐵同堅

陳氏

海甯人大學士之遊女歸安吳啟思室

憶女

憶汝歸甯日殘春序再更一甌嘗願渚千里問純羹石榭秋  
同倚疏籬菊漸榮于今三柳路凝望不勝情

金

迷

字友之鄞人周容室

素羅辭

土寇至作詩自經死

惟素羅之皎潔兮昔隨我以有行歎烽煙之滿目兮今及爾  
以偕亡吾潔吾身兮逝將尋亡親而徜徉

張鴻述

字琴友慈谿人姚籌室著清音集

空山落日詞

日落兮空山鳥飛兮爭下古木兮蕭蕭牛羊兮平野風淒淒  
兮引樵者引樵者兮歸蒔屋客子他鄉兮何處宿

立秋呈叔母包夫人

節不違時至愁難託雁傳秋心波淼淼倩影月娟娟綠粉思  
庭竹紅衣問沼蓮無箋堪寫意一葉落窗前

孟思光

字仲齋會稽人松陽教諭稱舜女弟

弔鸚鵡冢詩

并序

張玉孃者松陽人文章博雅詩詞得風人旨時以班  
大家比之自號一貞居士侍兒二日霜娥紫娥皆有  
才色善筆札所畜鸚鵡亦辨慧能知人意因號閨秀  
三清及笄字沈佺佺旋卒父母將更字之玉孃曰兒  
所未亡者爲有二親耳守志至二十八歲夢佺迎之  
而歿父母哀其志請於沈氏合窆於附郭之楓林霜  
娥慟哭死紫娥自經以殉詰旦鸚鵡亦悲鳴而殞鄉  
人異之咸以殉葬名其冢曰鸚鵡順治初余兄任松

陽校官數過其地遺址漸湮因爲之封樹立碑又訪  
得張大家蘭雪集囑余重校付梓相傳元時有攜其  
山之高月出小詞至京師爲詩人虞伯生歐陽元所  
歎服後乃有以松山葉根長事污蠹之者吁玉孃貞  
女亦才女從一而終此事有無何足辨或依草附木  
野鬼興妖亦未可知要以松地靈秀不鍾於男而鍾  
於女乃有一女子而輕自污蠹亦知其俗之匪古已  
千年恨骨葬秋山一片楓林葉葉丹豈是霜花夜凝紫相思  
淚血染成斑一貞貞潔心如玉比似幽蘭閨空谷綵絲繡作  
橐籥容生不相從死相逐山高月小何皎皎我有所思在遠  
道所思不見將何如玉容一日秋風槁聞道沈郎不勝衣夢  
裏依稀覺也非卻恨朱顏不相見可憐白首空相期翠頰雙

鬢其生死綠衣好鳥重悲嗟墳上樹棲比翼鳥窗前花長並  
頭枝碧窗人杏花無主死殉鴛鴦有鸚鵡茫茫宿草迷寒霧  
三生石畔斜陽路斜陽血色挂楓林千古傷心弔君處

翁

桓字少君錢塘人汝遇女胡介室著秋水堂彙

許淮祥曰相傳少君適胡唱隨河渚有鹿門之風已而  
彥遠帶游三山少君寄絨題久客神光一詩彥遠得之  
即日歸後彥遠死慟之甚不二年亦卒女  
蕙季貞一名慧哥為汪定武柴室亦能詩

寄外

久客神光寺春歸人未歸旅園今夜月空照落花飛

吳

湘字婉羅錢塘人幸圖女著組紉草

江樓聞笛行

黃鶴樓頭望月明江邊日暮少人行江花江月煙波裏月下  
花前聞笛聲笛聲嗚咽驚烏鵲江風妒月吹花落高樓徙倚



空歎嗟忽看江月又西斜此時游子頻揮淚此夜何人不憶家

王恭人 錢塘人順天府府丞戴京曾室

抗郡詩續軒府丞督學山左恭人隨唱詩稿盈尺惜其後人散失猶子自昭搜集付梓名王恭人詩

小齋落成自賀

小築三椽愜素心蕭然物外結山林檻凭綠竹涼生袂亭傍青蓮爽沁襟半榻風清閒較弈一鑪香遠靜鳴琴浮名久判身無望莫道神仙無處尋

張瓊如 字赤玉錢塘人

名媛詩緯赤玉歸陳氏善詩賦及古文工行草書

龍井

縹緲幢幡綠樹低山門斜路夕陽西古壇危磴千層嶂細水

遙通九曲蹊松際谷聲清磬台竹閒雲氣小樓迷禪心已與  
塵緣斷不礙孤猿午夜嘯

王儒姑

錢塘人

吳烈婦詩并序

烈婦姓戴氏新安人遷杭歸吳錫錫以攻苦疾卒氏  
不食以殉遂安毛際可有傳

幽蘭開並蒂被摘心淒絕烈婦今再見冥冥來天闕寂寂黃  
金花萋萋瑤草葉望之不可見惟聞空谷香閨閣通大義墮  
樓殊輝煌冰心若秋月烈志似秋霜彤管垂億載芳名常耿  
光

何蓮魚

錢塘人

楊振鐸曰蓮魚家世未詳詩見周得生吟藁

次韻悲秋四首 錄二

蛩聲笛韻兩相和，桂綻荷彫秋半過。  
漸覺輕羅寒瘦骨，那禁清淚溢橫波。  
閒中積恨元無數，病裏尋歡曾幾何。  
竟日高樓成獨坐，開簾生怕受風多。

夢裏依稀到玉京，醒來欹枕結幽情。  
撥殘鑪火甘無事，焚盡詩箋怕有名。  
籬菊秋榮風色冷，井梧夜落月光明。  
自憐寂寞添愁緒，敢怨鄰家砧杵聲。

趙

淑 字豔貞  
錢塘人

楊振鎬曰：豔貞爲趙菊坡女弟，以才豔名于時。菊坡之友韓矩嘗序其詩，新警秀潤，可與高岑。

春日遣興

曉夢初回嫩日含，年來心性未除憨。  
愛書小字抽金管，爲按新歌斷玉簪。  
亂噪松枝占鵲喜，細歇花蕊笑蜂貪。  
空閨靜掩

梨雲瘦桑綠鄰家已育蠶

花下小飲

夕陽深院酌流霞碧樹雲晴噪晚鴉一曲清歌鶯暗囀微風

吹落紫藤花

陸華行

字纘任錢塘人圻女海甯祝翼裴室

許莊祥曰纘任女史念其父麗京行遁不歸作雲游始末紀詩多散佚拜經樓詩話載其七歲時所作一絕句

云見于尊前話舊

送姊于歸吳氏

自憐嬌小不知詩執手臨行強置詞盼殺歸鴻傳錦字吳江  
楓落正愁時

郭素媛

字澹真仁和人胡稼維室

府志素媛嫺女訓于歸後佐其夫讀書恆達旦以為常事姑最孝姑畏雷夏夜雷發素媛必秉燭起呼于寢門

入侍俾得安寢植姑疾事之晝夜未嘗逾戶限  
詩不多作遺詩一卷約百餘篇稼維所輯也

### 詠盆蘭

纔作梅花賦羣芳又藝蘭素心防俗沆空谷禁人看伴我影  
雙淨對之琴一彈夕陽紅更好擬為染輕紈夕陽紅

曾如蘭 福建長樂人子駿

杭郡詩績輯林烈婦嫁十二年無子姑沒夫以毀卒夫  
將死謂曰能從我地下乎泣對曰不必君命夫笑而暝  
烈婦投環者再翁諭止不聽乃以報明殉節事具牘仁  
和縣請存案縣批曾氏直代夫盡孝速為立嗣翁執批  
勸諭乃號曰氏本殉夫翁有伯叔妯娌豈不足于養潛  
以約指環珥銘為丸將吞之翁又報縣縣又批速為立  
嗣翁如言立其次孫為後烈婦撫之既乃自為帖投縣  
曰蒙諭立嗣養親為孝節兩全之舉氏思夫亡尙有兄  
弟無庸氏也今翁已為夫立嗣是亡夫有子矣念亡夫  
臨終因氏無子命氏身殉氏許之方含笑入九泉曾益  
棺未久而遠負前言之日猶生之年也縣又批以撫孤成  
叩求批存案氏死之日猶生之年也縣又批以撫孤成  
立待翁壽終乃踐前言則所全實大所立嗣子可取名  
光節縣令即捐俸十金大書孝節雙全四字表其門烈

婦不敢廢命撫光節孝養惟謹越三年翁沒喪既舉告  
妯娌曰吾今可以踐前諾矣自此絕粒不食沐浴更衣  
拜辭天地祖宗出故所鎔金丸吞之正襟坐索紙筆賦  
詩云云後書林門曾氏如蘭臨去題樹筆仰頌而瞑士  
林爭為詩文以美其事烈婦之稱未亡也為  
康熙癸未夏其殉節也為康熙丙戌七月云

臨終詩

鏡裏菱花冷三年淚未乾已終姑舅老復嚙雪霜寒我自歸  
家去人休作烈看西陵松柏下夫婦共盤桓

姚靜芬

安徽歙縣人仁和翟  
拒原室著碧窗詩稟

杭郡詩續輯碧窗遺藁鄭侍讀江吳  
通守廷華沈司臬廷芳皆為之序

早秋病起

病起新秋候幽窗繡嬾拈拂匳藥裏就几理書籤骨瘦涼  
先透衣單晚漸添侍兒真解事深下北窗簾

楊

琇

字倩玉仁和人諸生沈  
豐垣妾著遠山詩鈔

許淮祥曰倩玉明慧娟豔雅善篇詠沈生適聲愛而納  
 之其浣溪紗云一帶高城蕭市東遠山映水入簾櫳箇  
 人擬立畫屏中衣褶暗藏花露溼領巾斜沁粉香融怎  
 禁往事意惺惺松為倩玉作也適聲名豐垣號柳亭學於  
 臨平沈去矜  
 最工為詞

秋夜

秋夜一何長  
 閨人思斷腸  
 耿耿不遑寐  
 蟋蟀鳴空堂  
 孤燈照羅幃  
 西風吹我裳  
 迢遞牛女星  
 河漢遙相望  
 憂來將如何  
 撫絃發清商  
 淒然訴危柱  
 悠哉我心傷

秋感

昨夜秋聲入翠幃  
 高樓徙倚又斜暉  
 連雲城郭青山起  
 傍水亭臺碧樹圍  
 籬菊開殘人臥病  
 井梧落盡客忪歸  
 空江日暮風蕭瑟  
 欲采芙蓉淚滿衣

夕霽

伏雨初收天氣晴斷虹斜日上高城半江返照入簾靜一樹  
野蟬當戶鳴獨坐閒窗披翠帙不教侍女掃紅英晚來詩思  
清于水更向南山待月明

春半

韶光九十將過半積雨漫空密似絲香草滿前疑有夢梅花  
開後欲無詩將雛燕喜堂依舊妮客鶯嬌日漸遲笑倚熏籠  
燒柏子無心與柳鬪腰肢

諸

嫻仁和人匡鼎女王德  
宏室著鴛幃小窠

戍婦行

朔雪吹花深院冷哀鴻噤噤心耿耿愁來欲寄一行書尺素  
裁成終不忍玉門關外路三千賀蘭山北住幾年黃沙磧裏  
燐爲伴白草原頭戰骨纏今人多說封侯好豈料終年戍遠



邊遠邊懷慘誰爲訴深闔目斷天涯路中宵獨立倚闌干月  
色團團飛顧兔悲哉今夜妾思君夢見金微正點軍紅旗掩  
映青驄馬馬上凋弓帶夕曛雞唱忽驚殘夢醒斷腸淚溼鴛  
鴦枕遙思當日美少年未及歸來頭白甚君不見去年南園  
蝴蝶飛而今北嶺梅花盛吁嗟乎春去冬來無盡期空對孤  
鐙悲薄命

俞

桂

字瓊英仁和  
人著瓊英集

湖海樓婦人集瓊英才思頗  
清綺遇合抑塞年二十而夭

江南古意

江南三月花柳香青春欲徂白日長杏梁陰陰燕新乳頰頰  
羞池弄輕羽美人午起自結束曳鬢垂鬟手如玉春山聽徧  
鷓鴣曉金鞍白馬歸不歸

查

惜

字淑英海甯人諸生馬思贊室著南樓吟香集

許莊祥曰馬先生字寒中居插花山中築道古樓藏書萬卷夫婦日坐樓中以丹黃校讐為樂

呈家仲安

周鼎浮浴水龍劍出豐城寶氣不終沒人懷萬古情何當乘  
騏驥時還駕介鯨行遊向京洛高望凌蓬瀛茂先勵素志終  
軍請長纓修能繼內美特達宏家聲

春望

一望頻為物候驚高樓凭處思盈盈鶯非選樹間關嘯花亦  
乘春歷亂明綠水漲來颿影疾青山踏去馬蹏輕傷心遍是  
王孫路芳草萋萋遠更生

錢稚真

字西晚海甯人

山意

兩浙輶軒續錄

卷五十二

查惜錢稚真曹烈婦朱宮人

六

又川文

襟懷每與世相違幽谷雲深蕨正肥猿若聽呼堪作婢竹當  
可織便爲扉飢充一鉢松花飯寒著千鍼荷葉衣去年來  
無厯日玉梅花綻識春歸

曹烈婦

海甯人諸生穎洙女唐之坦室旌表節烈

杭郡詩續輯氏于歸六載夫病奉湯藥衣不解帶者半年泊病革欲殉咸爲家人所救後卒投繯死康熙十六年事也

詠蠟梅

添得冰霜枝葉無此花自與眾花殊其知秋菊貞心在尙有  
黃梅抱樹枯

朱宜人

海甯人諸生元期女康熙舉人工部主事許惟枚繼室著暗香樓凝香室詩稿

曹宗載曰暗香爲及笄時作凝香則于歸後作也

家明府官舍讌客皆一時名士詩以紀之

賓主東南盡藝林黃柑讓美快同斟幾番聽雨相思切此夕  
披襟領契深花暑翻聯文字飲雅歌絕勝管絃音滿城明日  
傳佳話競錄瑤篇仔細吟

陳

芬

字湘煙海甯人大學士之選  
女孫歸安諸生吳元晉室

茗溪寓齋作

碧瀾堂外雨初晴片片霞光照檻明繡綫拋殘閒倚著東風  
忽送賣花聲

嚴曾杼

一名夔餘杭人戶部侍郎流  
女沈長益室著素園遺詠

杭郡詩續輯夔幼而穎慧好為小詩以非女工所宜屏  
不以示人體素羸于歸後連遭兩家之喪益憔悴不勝  
事卒年僅二十有四

春日雜興

和風被廣陌淑氣蒸庭花孤根幸未仆細葉攢輕葩朝來盥

櫛罷采采簪鬢鳴助君一日妝減彼三春華何如謹持護錦  
樹張雲霞方長戒勿折仁心周蓬葭况茲桃李姿顏色徒天  
斜媚人以爲好誰能稱宜家吾儕甘布素鉛粉勿妄加作詩  
示諸婢貞靜協柔嘉

徐

範

字蹇媛嘉興人真木女兄

勺園詩話蹇媛嘗集衛夫人長孫后吳彩鸞宋惠齋張  
妙淨薛濤朱淑貞管道昇八家書法裝成一卷題曰香  
閨秀翰亦墨

林韻事也

遠香詩話蹇媛有足疾終身不字詩爲沈夫人紉繭所  
刻已佚厲徵君鸚曾錄入玉堂書史工書程朗岑明府  
璋所刻玉臺名翰相傳皆  
出臨摹真巾幗中書聖也

春夜

春寒半臂玉樓斜昨夢分明到謝家記得丁簾騎月雨一枝

瘦損葦綃花

寒食

春陰如夢半闌珊燕子無僂話畫闌幸是木棉衫未典今年  
寒食十分寒

對菊

小園吟遍六朝春冷月疎煙替寫神秋色不多如此瘦西風  
何況卷簾人

潘晚芳

江蘇吳江人翰林院編修  
未女弟秀水諸生陳鉞室

夢隨先母至平川故居

四十年前事已非朱蕤華屋淚空揮夢中不憶家園廢猶傍  
慈親入舊幃

錢

復

字吹蘭嘉善人明大學士士升女  
孫查開室著桐花閣詩拾瑤草

石瀨山房詩話吹蘭拾瑤草一卷仿竹垞蓄錦而  
作都集唐人句成章組織之工幾於無縫天衣

送夫子試京兆 集唐

谿上扁舟繫綠蘿 許渾 朝聞遊子唱驪歌 李頎 好攜長策干時去

譚用之 擬占名場第一科 劉三復

日暮風吹山女蘿 戴叔倫 無由縮地欲如何 元稹 遙知別後西樓

上 白居易 雁引砧聲北夢多 李紳

胡節婦 鄞人徐志泰室 旌表節孝

古柏吟

千尋古柏氣蕭森 一任空山霜雪侵 易葉改柯羣卉事 蒼皮

終抱耐寒心

陳蕙芳 江蘇長洲人 鄞縣蔡天石妾 旌表節孝

十孤詩 有序

氏系出太邱 家居許墅 追隨蓮幕 良人嫁得中郎 冷

落蘭閨薄命悲同衛女罽紅鴛之牒未滿三年歌黃  
鵠之詞尙賒一死爰賦詩以見志聊假物以抒懷茹  
檠飲冰竊比柏舟之作拈毫弄墨敢誇柳絮之才

孤雲

從來聚散不勝嗟日暮殘雲隴上斜應是舊山歸不得獨留  
孤影在天涯

孤月

幾許清涼透素襟月明庭院夜初深人閒莫歎姮娥寡一片  
清光照古今

孤松

亭亭獨立羨喬松合伴幽人世外蹤無數風霜無數雪一生  
義不受秦封



孤竹

歷盡冰霜節不磨  
淚痕點點染湘娥  
祇應截作高樓笛  
爲倚陶家黃鵠歌

孤螢

流螢一點近妝臺  
秋雨秋風莫漫猜  
苦憶綠窗人靜後  
與郎曾照讀書來

孤蝶

故園落盡亞枝花  
瘦影怱怱日又斜  
祇合抱香枝上老  
不須流夢到鄰家

孤雁

塞外秋高隻影寒  
空聞愁思正漫漫  
西風夜月江南路  
錦瑟從今不忍彈

孤燕

繫足紅絲認尙真  
畫梁寂寞又深春  
尋巢不逐雙飛侶  
爲戀堂前舊主人

孤鐙

夜深無語對銀釭  
冷雨尖風透碧窗  
多謝餘光耿相照  
素帷留得影雙雙

孤砧

西風颯颯漏沈沈  
遙夜還傳空外音  
記得年時霜月裏  
秋心曾寄塞垣深

趙德恆

字貞一仁和人江蘇候補知州筠女海甯舉人朱聲室

許莊祥曰孺人適朱未一載寡遺腹子兆琦得母教之力爲名諸生貢成均守節踰六十年卒年八十五

琦兒入泮詩以勸之

未奉趨庭訓徒貽弱冠傷斷機吾自警肯構汝甯忘桂窟天

香近桃源世澤長

元貢泰甫尚書嘗留寓朱氏東野草堂以小桃源名其地

父書期卒讀

莫負治弓良

浦烈婦

海甯人查克上室

許淮祥曰克上因父獲罪同死浦氏與姑史氏約自盡史先縊浦賦絕命辭四章以見志遂吞金死

絕命辭四首

錄一

罔極深恩未少酬空貽罪孽重親憂傷心惟恨無言別留取

松筠話不休

查孝女

海甯人嗣庭女

柳甫隨筆海昌查嗣庭以事遣戍其女亦徙邊塞女故工詩

題驛壁

薄命飛花水上游翠蛾雙鎖對沙鷗塞垣草沒三韓路野戍

風淒六月秋，渤海頻潮思。母淚連山不斷背，鄉愁傷心漫譜。  
琵琶怨羅袖，香消土滿頭。

戴

禮鳥程人，歲貢生。浩女，張翼繼室。

湖州詩錄三編翼父韜嘗知休甯縣以子幼委質同邑王某置產并以幼子託某聘其女後韜卒於官翼婚不數年王女亦歿翼遂娶戴甫三年王某之子利其產誘翼至家逼令作券不從毆之垂斃齊龍溪水中戴心動趣人往覘之昇歸已不能語但瞳目視戴泣曰我一弱女子不能為君復仇當以死從耳隨蓄一指自誓越七日翼死無子戴多方求死不得後十七日乘閒自縊衣帶閒得絕命詩三章時年二十一雍正閒事也府志有傳今據戴氏詩存錄出

絕命詩三首

大仇不能報，嗟嗟弱女子。逝者目不瞑，瞑之惟一死。  
夫亡復無子，此身安用存。決意入黃泉，九閻鳴奇冤。  
我身雖不死，不能養我姑。大書謝親戚，垂白賴持扶。

章孝婦 錢塘人副將斐然女弟陳幼學室

縣志章氏事姑以孝聞姑徐病篤割臂肉和藥以進年十八卒督學周斗垣旌其廬

寄外

良人行役計饕餮有累慈親暮倚門珍重鯉魚消息早夕陽  
已自近黃昏

方 瑛 字眉土錢塘人

春怨

一夜梨花落滿池峭風空自惜殘枝銷魂怕向樓頭立況是  
斜陽欲暮時

吳 氏 錢塘人西庚女在孚遺室

覺羅東鄂氏殉節辭 并序

故將軍東鄂氏之女適中丞雅公之族弟某未及一

載父兄繼亡公子以哀毀致疾而天滿洲俗天死者  
婦截髮以身殉者則否氏蒙首痛絕家人泣勸不顧  
乘閒遂投纆而殉中丞公有啟徵詩感而賦此

王孫秀發宗潢胄玉葉凋殘墜筓岫入門新婦嗟未期疾風  
吹折連理枝鬢雲不截塵青鏡節烈本自將軍性舉家環泣  
俱驚猜委宛難移識力定仰無堂上親爲夫侍昏朝俛無襁  
褓兒爲夫保宗祧一身四顧何偪仄一死等若輕鴻毛手提  
約髮咽復慟旗人以帕蒙首謂之約髮白日無光天地痛星沈雨絕無還  
期夜臺茫茫叫孤鳳

朱滿娘

字月上烏程人錢塘舉人  
薦舉博學鴻詞厲鶚妾

吳振棫曰月上鍼管之外喜近筆硯從徵君授唐人絕  
句二百餘篇頗識其意故徵君悼亡詩有擲管自稱詩  
弟子語初徵君客湖州邂逅得之遂載以歸繪碧湖雙  
槳圖一時豔之題者甚眾杭蘆浦太史二絕云辭家鏡

子照梳鬢黛梳何曾盡日間夫婿愛誇新樣好畫眉只  
學小敷山青蘆結響正西風一網浮來是闌紅手把鳳  
簫羅袂薄蕖香吹動月明中月  
上海喜誦之年二十四而卒

題自畫紅梅

一枝紅綻傍牆陰疑是絳衣仙子臨莫說桃花偏命薄多緣  
霜雪未能禁

李

芹 字璧池號槎仙江西臨川人直隸總督

吳振械曰李太孺人為穆堂先生女孫善訓遺孤晚叨  
祿養平生博涉經史尤熟于春秋三傳親串閒有請益  
者剖析異同靡不賅貫暮年猶默誦左氏傳  
日必數卷書法酷似平原剛勁中自見嫵媚

題停琴佇秋月圖

渺渺意何之飛鴻欲下時素琴橫夜永涼月出雲遲竹色看  
逾靜桐陰坐不移悠然山水志心與古人期

宿汴城

籃輿千里下夷門故國山河蹟尙存五代精靈憑草木三川  
雲雨黯朝昏春秋彭澤空回首燈火樊樓易動魂懷古思鄉  
兩行淚離宮芳樹夕陽屯

梁小玉

字玉姬錢塘人著瑯嬛集三卷

楊振錡曰玉姬一號瑯嬛女史七歲卽能依韻賦落花詩八歲能摹大令帖長而游獵羣書嘗作兩都賦爲時所稱

詠篆章

揮灑霞箋寄隴頭雙鈴題處紫雲浮兒家曾掌司花印總領  
層城十二樓

方芳佩

字芷齋號懷蓼錢塘人湖北巡撫

王鳴盛序略芷齋之詩翦刻明淨欲以幽好避羣言志之篇宛轉而纏絲體物之作秀發而瀏亮譬則秋蘭叢菊嫣然風露之外雖卷帙無多情風骨俱見焉信乎其可傳已



杭世駿序略余與滌山方兄有香火之約削迹南還滌  
山高邱伯割宅之誼築抱經亭為余研經之地愛息芷  
齋夙有靈解從余指授詩法微吟短詠時露秀穎為當  
今巾幗中所僅見江陰翁徵君齊堂長洲沈宗伯歸愚  
見芷齋詩獨相稱許為之序而刊之夫西冷閨詠遠有  
端緒十子才名照焯寰宇然墨莊一集猶復借才閩海  
屈指名媛九人而已遺徽未泯

以芷齋參措其間復何媿焉  
吳振械曰芷齋夫人早年即師翁霽堂又受師法于堇  
浦先生微吟短詠幽好避羣樊榭微君有珠光落紙蘭  
晚生香之譽嗣以隨宦歷勝地與徐淑則德音錢浣  
青盂錮杭筠圍澄為詩友其佳句五言如鳥喧人語靜  
鐘動曙煙微竹雲飛不盡涼月落無聲七言如滿徑影  
橫如苻藻一天秋冷逼林亭戶外何知有雞犬閨中亦  
復樂簞瓢皆膾炙人口先大父哀集杭  
郡詩輯時聞媛一門即夫人選定也

寄東甌三曾祖姑母  
名閨英不字養  
親奉旌孝女

忠孝傳家世澤長閨中有女亦流芳高風千古名難朽苦節  
十年味獨嘗悟徹浮生花似夢栖心禪乘菊為裳往來戚串  
頻爭頌猶道慈祥不可忘

題貞節吳孺人事略

一庭疏雨燕孤飛十六年過笑語稀腸斷稟砧天上遠鏡中  
不共老萊衣

明聖湖頭萬頃波微風不動靜如羅芳規賸有閨中秀偏得  
山川閒氣多

輓節烈鈕夫人

并序

秀邑鈕膺若貧儒也年二十四病渴身逝室沈氏孝  
廉變庵公女結縞一載年甫十九卽日易衣投繯以

殉

慷慨捐生去住輕不虧大義素心貞曾聞化石非難事豈許  
沈湘獨擅名一死止知完大節此生誰計築懷清春風堂上  
相隨燕定繞佳城伴月明

輓孝烈沈世嫂張孺人 井序

孺人爲大川世叔次媳事翁姑以孝聞夫蔭禱杭府  
庠生嗜學攻苦得弱症不起孺人絕粒以殉經九晝  
夜而逝更衣時女伴見左腕疤痕宛然右臂血肉淋  
漓始知爲姑爲夫兩次刲臂其孝其烈均不可泯也  
歲在龍蛇日修文忽見延婦方驚欲絕天竟不垂憐血應鸞  
刀落脂凝翠袖鮮沾脣總無效遺恨及重泉

于歸德門後辛苦度芳年眉案身親舉中裙手自漚宜鳧方  
有頌寡鵠忽驚絃誓死期同穴松筠節本堅

初夏卽事

日永無塵事山居境轉幽雨歸雲外樹人語竹閒樓春去寒  
仍淺花殘蝶解愁晚窗茶未熟一縷翠煙浮

雨中看山

連朝掩扉臥襟懷殊怏怏重陰晝亦昏遠色潤書幌忽聞山  
雨飛檐溜送清響開簾得奇觀林木何蒼莽豈徒眼界清足  
使神情爽擁鼻一微吟揮毫技復癢橫斜字半敲聊以記幽  
賞絕愛羣鴉雛衝煙自來往

乘月過萬松嶺

晚覺籃輿速青山過幾重歸雲封古洞片月佇遙峯怪石全  
疑虎蒼松半似龍行行城闕近猶送隔林鐘

秋夜

繡枕垂雲夢乍醒侍兒愁睡觸銀屏舉帷欲問更深淺露溼  
紅蕉月半庭

題翁朗夫先生三十三山草堂圖

片颿歸去濯滄浪更向深山築草堂揮塵但招雲入座藏書  
應擬石為倉微茫樹色侵緇帙歷亂巖花護筆牀閉戶不聞  
塵世事靜攜經史校鉛黃

夜坐

憑欄遙望玉繩低風撼林梢烏夜啼一縷斷雲吹不散又和  
明月過樓西

陳瓊

字芳余錢塘人候選同知淞長女

吳顥曰陳牛江淑配歸安戴西齋韞玉以詩名有二女曰瓊曰瑄瑄圃挹其緒餘皆工吟咏

螢

幽叢月不到螢火透新涼著露沈芳草因風度短牆數來光  
不定撲處燄難藏小立香階畔時時點芰裳

蔡桓

字宜卿錢塘人朱源女遂昌訓導吳顥室

億父

時在陝西

小樓雨過燦虹霓  
曉鏡慵收晏啟闌  
愁倚窗櫺苦吟望  
白雲

遙在陝城西

程慰良

字弱藻江蘇嘉定人錢塘汪繩祖繼室著吾素軒橐

吳振械曰弱藻嫁期年而寡遺腹一女食貧親課守志四十年嘗有句云事從悟後言皆物詩到工時心更虛真學者語其九日寄妹云別後半年仍抱病愁來九日罷登高可謂工於言愁前室女姊及己女姊俱能詩

楊柳詞

幾日春光到柳條  
臨流細學楚宮腰  
西湖十里桃花路  
又送

鶯聲過六橋

蘇晚蘭

字紉九號香嚴仁和人諸生倪一擊室

吳振械曰一擊家素貧課徒自給香嚴組紉之餘兼課女弟子資其暇脩以佐晨夕子印元亦工詩杭堇浦題香嚴課讀圖詩有云所祝程夫人未老更留餘力教東坡謂印元也所著聞吟集秀一冊為漫興詩五十餘首

游仙詩三十首皆集古今才媛詩句成篇亦新格也嘗輯明以來烈婦奇蹟見傳記者成坤維正氣錄十卷

游仙詩  
柳眼窺春淺放青朱淑溼雲如夢未曾醒景翹自耽學道疏

人事陳德不捲珠簾夜誦經陸卿

煙霞迤邐接蓬萊葛亞雲氣如銀拂面來鄭允閒轉麟車踏

瑤草許景青鸞飛去幾時回蘇蕙

五雲仙馭五雲車薛濤新樣交鑄白玉花花蕊夫人鳳轉鸞迴霞袖

緩朱淑洞簫一曲是誰家鄭奎

朱達字虔齋海甯人河東運同海鹽陳克鉉室著慈雲閣詩存

金陵訪臨春閣

陳王高閣臨江起復道交疏連結綺當年吟詠擅才華歌聲夜徹千門裏故國軍營木柶流臨春詩酒未曾休橫江旌甲

如飛渡王氣鍾山一旦收珠簾寶帳秋光冷壁月瓊枝春夢  
醒江總空傳狎客詞麗華終辱臙脂并勝地銷沈喚奈何遺  
基依舊枕江波春風桃李無窮恨贏得秦淮一曲歌

渡江口號

向夕渡京口江城縹緲閒淡煙三楚權殘照六朝山灘似黃  
牛瀉潮應白帝還天教南北限愁絕望鄉關

徐

貞

字蘭貞平湖人海甯吳  
驚妾箸珠樓女史稟

吳騫傳略姬天性婉順幼習女紅家貧母老願委身簞  
室以償父債來則視子家事無鉅細如素習然授以唐  
詩俱略能上口書亦娟潤無俗態予嘗賦湖隄春步詩  
偶得有愁堪買地五字未屬應聲日何不云無雨不晴  
天其捷給多類此其於文藝以謂吟詠非婦人事故常  
事隱諱唯嘗題子荆溪載石圖及縹雲便面詩流于外  
奉和槎客先生石湖道中

瀟瀟暮雨闔江關渺渺菰蒲接遠天中酒阻風緣底事不如



歸去看蠶眠

笠澤道中望靈巖諸山

迢遞三高遠，雨餘煙景催。  
宮花幾開落，麋鹿滿蘇臺。  
檣燕依人語，江雲擁舵回。  
明朝過吳市，誰是苧蘿才。

竹下書堂畫縹雲便面

飛來海上綠雲鬟，臥雪人歸幾度攀。  
自是延陵恩誼重，要留風骨在人閒。

董茂才見和題扇詩

弄筆雲窗學構思，朧朧扇影欲斜時。  
新詩好付弓衣繡，應讓

江都繁露詞

陳敬襄

字婉順，海甯人。貢生。治女石門諸生。吳煥章室。著郵煨書屋吟藁。

育蠶

縑車葦箔費安排一月忙來不整釵怪殺鄰家諸姊妹背人  
猶繡踏青鞵

詠柳花

幾樹春殘雪點衣謝家庭院認依稀東風莫遣輕飛去恐似  
行人未肯歸

查蕙芳

海甯人諸生會昌女許立夫室著枕濤莊焚餘草

許惟祥曰蕙芳女史自幼工詩詞長篇短章時時閒作及適立夫詩愈工而境愈窮後因夫亡子折又兼病骨支離乃盡焚其手藁數卷致使壺德不傳惜哉

秋日送兄

一入開陽幕頻年不抵家暑消殘夏日涼引早秋花煙樹迷  
鄉曲雲山隔使車遙遙三載別猶未見歸槎

周映清

字皖湄歸安人湖南布政使葉佩蓀室著梅笑集

吳興詩話映清詩如寄外云春來又見哉明月愁絕休  
吟其雨篇過蘇州云霸氣消沈無虎踞豔情宛轉有烏  
嘯揚州云三千殿脚如雲散廿四橋頭自月明秋樹云  
搖落誰憐大司馬悲歌應識故將軍秋暮云破蕉浙瀝  
風如雨瘦菊離披葉  
勝花皆未經人道

陶潛宣曰佩蓀字沅雲乾隆甲戌進士以詩名有三女  
長曰令儀字淑君次曰令嘉字淡宜季曰令昭字蘋潛  
皆能詩有三婦長婦曰陳長生字娉笙陳太僕兆崙女  
孫紹榑之室也次曰周星薇紹棻室季曰何若瓊字閨  
霞紹本室亦皆能詩而娉笙夫人緒聲閣集尤有侗于  
世佩蓀繼室李夫人含章字蘭貞並工吟詠歸安葉氏  
一門風雅之盛爲吾  
浙冠有織雲樓合集

### 令紹榑入學

從來嬌繞膝今已略知聞恩義難相掩賢愚自此分棗梨余  
自具經傳汝宜勤未暮休歸舍童心懼放紛

### 水車

終朝鴉軋岸痕移升斗無愁挹注遲銜尾飲河如點鼠掉頭

嘆水類長峴十千耦共分流處三兩人依並坐時辛苦江鄉

風景別就中初嫁有吳姬

吳江道中所見

甲戌聞捷口占

秦嘉上計動經年閨夢何由向日邊今日離情暫拋卻知君身到大羅天

待雨

雲起初籠樹風來自掩門遙天低欲合野水暗相吞一徑深疑暝雙禽寂不喧最憐紅芍藥憔悴傍籬根

春蠶詞

更無雀角上公堂寂靜千秋見采桑最喜追呼暫停待教條鄭重說蠶忙

賈客江南復海南絲肥絲瘦總能諳一蠶便比頭蠶薄不信

吳都有八蠶

自古西陵說蜀都而今絲產祇西吳  
尚方歲製山龍服除卻湖州處處無

渡揚子江望金山

江天淡蕩朝霞紅澄波萬頃流融融  
舟人解纜渡江去漸覺帆腳生微風  
蒼茫遠樹失京口舉頭忽現青芙蓉  
奔流直下走東海金山突兀當其中  
樓臺明滅晃金碧有如蜃海浮琳宮  
晴烟縹緲飛鳥絕但見古塔撐青空  
我聞此水貫楚蜀北江下注連南東  
天留片石作屏障直與砥柱爭穹窿  
坐覽奇境豁胸臆敢燃犀角窺蛟龍  
收帆瓜步一回首江南千里青濛濛

李含章

字蘭貞雲南晉甯人湖南巡撫因培女葉佩蓆繼室著繫香詩草

吳興詩話蘭貞詠晉史論古有識不似巾幗語少隨鴿  
峯中丞楚南撫署後十七年方伯攝大中丞津復臣節  
署感賦詩有畫角乍迎新使節春風猶憶  
舊放臺之句倩文綺麗真得唐人三昧

### 萬固寺

山寺不知路忽聞流水聲溪隨巖石轉塔與碧雲平古木上  
無際幽禽時一鳴松根堪小憩試汲石泉清

### 題李太白詩後

千仞翔孤鳳高歌一代中在天猶被謫入世豈求通膽落高  
驃騎恩深郭令公再回唐社稷諸將莫言功

### 望樵兒不至

濟南秋八月接汝數行書報說重陽日能迴上谷車已驚楓  
落後又到雪飛初何事歸期誤臨風一倚闌

### 秦始皇

兩浙輶軒續錄

金虎宮鄰事可憐，漫疑鶉首賜鈞天。終令六國還三戶，空使諸生笑九泉。車載輶轅山有鬼，舟行縹緲海無仙。傷心萬里長城在，依舊扶蘇伏劔年。

湖南節署感賦時外君以方伯護撫篆

廿年詠絮鳴環地

十年前先君撫此

今日隨君幕府開，畫角乍迎新。

使節春風猶憶舊，妝臺殊粲象服慙。難稱遺愛棠陰待補栽，聞道江城興頌浹如冰。樂令又重來。

送三女令昭歸邱太史

庭陞

在家爲客莫言勤，此去方知是主人。百歲毀譽關阿母，一時賢否定諸親。金萱晝永儲甘旨，玉筍官清課米薪。倘輟餘閒吟謝絮，錦囊應寄濟河濱。

蔡兒入蜀以詩送之

汝兄僅得叨微祿汝弟今猶滯薄名容易吳江分雁影淒涼  
巴峽聽猿聲中年心緒嗟多惡遠道山川說已驚回首南雲  
歸莫晚于公門第待經營

檉棻兩兒春官下第慰之以詩

得失從來露電如老人爲爾重踟躕不辭羽鍛三年翮可有  
光分十乘車四海幾人雲得路諸生多半壑潛魚當年蓬矢  
桑弧意豈爲科名始讀書

初歸吳興感賦

楚水燕山憶舊時廿年蹤跡總相隨今朝獨返蘋洲櫂冷月  
寒燈照鬢絲

每話歸田倍愴神轉頭誰誌舊巢痕可憐八里橋邊水難返  
三生石上魂



和讓橋頭卜一塵辛勤留得大官錢緣知清白能傳後負郭何須二頃田

望華岳

青泥墨水聳巒岫萬仞芙蓉絕頂看下界風雷生半嶺中天日月駐雙丸金莖露滴仙人掌琪樹花濃玉女壇天外三峰憑縱目蒼茫長逼郡樓寒

金禮羸

字雲門山陰人秀水舉人王曇繼室著秋紅丈室遺詩

陳文述序略仲瞿繼室雲門女士精繪事工界畫人物近劉松年趙千里仇實父諸家余所見有西王母降集靈臺班婕妤好辭輦唐昌觀女仙觀玉蕊花吳采鸞寫韻江采蘋作樓東賦諸圖建安七子圖大幅今藏余家緝雅堂詩話雲門有回文詩至佳幾幾欲奪蘇若蘭之席

舟泊莫涇揚東坡三過堂詩

一棧禪燈四壁紅桑城荒影踏冥濛為尋馬券遲僧寺誰捏

鴻泥塑長公石版漫鐫三過字布帆經趁兩番風越來溪上  
年年住我亦家山在夢中

寓居武林門外紅相山莊雲山如畫詩以寫之

梅妻鶴子林君復泛宅浮家張志和如此溪山留不得五湖  
歸計又如何

禮天竺呈觀音大士

同感楊枝洗孽塵心香一瓣共朝眞神仙墮落爲名士菩薩  
慈悲況女身前度姻緣成小劫下方夫婦是凡人望娘難遠  
潮音近唯有聞思是至親

匱中遺詩

梅子酸心樹桃花短命枝可憐馬脰月孤負我來時

自覺驚魂不得留梅花開散月辭樓斷腸祇有梅花樹種好

梅花不白頭

門外桃花開未開  
童奴來報滿田栽  
自然有箇該開處  
拍玉崖邊看去來

次唐陶山明府重修六如居士祠墓落成紀事韻

仲氏和吳宰公唐陶山先生桃花庵詩淒楚不堪卒

讀嗚呼造物忌才書  
生命薄梁鴻慕要離  
死豈無情

賈誼哭三閭生甯無怨某身嫌巾幗藝愧丹青唐子

畏生花之筆夢夢通靈柳屯田墳上之鞦年年踏破

屏才人於榜外古鬼無睛索名句於篇中陳人欲泣

亦諧四什婦人無文聊次七言達人行樂

三尺枯墳一陌塵  
桃花橋畔墓門新  
世間兒女憐才子  
地下蒼蠅弔酒人  
末路青衫窮措大  
老來紅粉送終身  
書樓一角

淒然在零亂殘英又暮春

大羅天上爾無名浪飲何分酒濁清龍虎榜高遭鬼繫鴛鴦

豕小被人平九壤墳間已碑留死友胡中議債迫窮交祝允

明一樣繡鞵尖上土踏青時節拜書生

猶喜桃花殺命奇朝官不識侍兒知頭顱誤感陰人笑手把

親廢盒子詞石田翁有青樓盒子詞胡粉梨園嬾舊曲煙花

吳女豔新祠英雄別有傳名處何必文章借主司

撩亂長明一盞燈準提庵院賸殘僧桃花死占僊源福好色

生參佛地乘醇酒婦人三了語繯名鎖利一纏藤書生亦有

冬青樹不獨唐城哭六陵

秦雲字佩芬  
山陰人

題絳雪集

劉家三妹擅才名香茗詞華玉樣清絕妙鏡奩花六出回文

錦字織新成

一騎蛾睂虎豹叢和戎魏絳太恩恩浮生一撒懸崖手羞作

胭脂井底紅

石霞山色劫灰餘環珮魂歸舊里閭合向枌榆安俎豆黃金

鑄箇女相如

一杯青冢草芊芊容易銷沈付逝川不是龍眠賢季子青山

何處弔嬋娟

張

淑字若蘭嘉興人海鹽貢生

若蘭居此與馮庶常柳東室李夫人蟬吟鶯惱疊寄詩  
贊洲館詩話梅會里得金風亭長餘韻聞閣皆能翰墨  
筒里中傳  
為佳話

題泉南居士杏花春雨讀書圖

濛濛春樹黯蒼洲鎮日吟窗樂唱酬楊柳圖中添半角紅霞

一抹雨中樓

任夢檀

嘉興人光祖女孫諸生陸頤高室著碎錦集

遠香詩話女史詩多慧心閨閣贈答致極纏綿其寄懷  
謁仙云願將別後相思淚當作珍珠寄遠人咏庭中雀  
云廚頭寂寂無炊烟局不飛就前  
溪田前溪田儂家賣禦貧過殘年

贈外

並坐秋窗語倍親唱隨彈指已經旬艱難家事君休慮典盡

釵鈿不怨貧

袁華

字縵華嘉興人楊伯

緝雅堂詩話縵華樓詩多雅音閩房唱和諸作宛  
轉生情尤得國風遺意以別本單行不備錄也

晚坐水榭有懷弟妹

閒來小坐思迢迢兜起離情一曲簫秋水平添鷗夢穩夕陽

兩浙輶軒續錄

卷五十二

任夢檀袁華查節婦

香

× 女

欲落雁聲遙清江花月常辜負蜀道音書久寂寥如此煙波  
好乘興莫教綠鬢爲愁凋

釣鰲磯

雨餘新漲活綠上釣鰲磯柳暗人迷路花明香惹衣樓臺窗  
四面風日燕雙歸到此渾忘返朱闌泥夕暉

查節婦

嘉善人候選知縣學女諸生錢庭柯室著自憐吟旌表節孝

縣志氏結襦甫三月而寡守節三十年

初夏遊谿卽景

微聞林鳥報春歸芳草新生一徑微繞屋槐陰成翠幄滿池  
荷葉長青衣綺窗雨過梅將熟水閣風輕燕學飛獨倚畫欄  
頻眺望絮絲飄颺劇依依

朱澄

字聽秋號荻庵嘉善人直隸總督一輩女孫金荷衡室著荻廬詩鈔

張嵩年序略聽秋以冰雪之姿失正雅之音人第欽婦  
眉才子為閨閣風華而不知數十年來茹荼飲葉偶有  
感觸發為咏歌清響引離自傷寡鵠其閒一字一句皆  
歷盡艱辛磨鍊而出之豈徒採藻摘華誇回文咏絮之  
才而已哉

錢樾序略聽秋好學工詩歸金持衡余同年友方雪之  
弟也勤業早逝乃失所天撫孤守志寡鵠哀音發之吟

詠淒涼之聲仍不失  
和平之旨卓然大家

黃洲館詩話夫人年二十喪所天撫孤銓教養成立後  
官州判夫人上承母教因以能詩稱如病中偶述云銅  
漏易殘憐夢短珠簾不捲怯春寒送半帆兄赴官保定  
云庭堪聚樂身仍客我未歸家君又行秋興云燕子生  
涯如昨夢菊花心事盼重陽俱可誦

### 送半帆兄移守閩中

廿年薊北歷風塵琴鶴初攜閩海濱驥展一官青鬢客烏私  
兩代白頭人藕花香送征帆遠楊柳陰垂驛路新慢作池塘  
春草句陳園荔擘可思葺



春山羶玉圖為郭頻伽明經 磨題

青山疊疊鎖餘寒紅雨深深送蓋棺  
蘭質無年終古恨冰魂有伴自來難  
墓傍有張玉田刺史女孫晉生墳  
要留螺黛浮痕在當作蛾眉入畫看  
讀竟數行埋玉記墨花淚點未曾乾

登禹王臺

吼風老木鬱蒼蒼流水空驚歲月忙  
欲拓襟懷宜曠遠偏從城市得清涼  
近郊村落饒秋色古寺鐘聲又夕陽  
鴻雁聯翩鷗鷺穩登臨逸興寄他鄉

題十柳先生田家圖

種得參參柳幾行綠陰深處鎖茅堂  
此中饒有林泉趣錯認南垞摩詰王

才如禿柳已無絲燕語鶯囀總不知  
近日移家輞川曲插些

楊柳也相宜

馮孝娥

嘉善人貢生孫慎機室

胡金勝曰孝娥九歲母疾剜股卒不痛一慟幾絕及歸孫明經絨庵克猶婦歲己亥尊童遘疾瀕危孝娥稽顙北辰求以身代夜半聞神語曰上帝鑒汝志已允所請遂驚起沐浴更衣焚香瞑坐而逝翌日舅姑病立瘳絨庵憫其志誓不再娶賦悼亡百首名哀絃集學使汪公濬為之序以述其事

贈別小姑蘭馨過門守貞

歲歲窗紗話寂寥忽驚縞素別今朝贈行為欲標貞操折得

松枝當柳條

俞光蕙

字滋蘭海鹽人戶部侍郎兆晟女大學士金壇下敏中室

畫徵錄滋蘭性好畫年七歲寫折枝于壁穎圓見而異之長受法於錢太夫人陳書筆致清穎古秀布置亦極大雅

畫水墨荷花成戲占一絕

硯池水墨多拈毫貌君子有迹不染塵亭亭誰得似

梅

清

字冰若號月樓秀水人海鹽張辰竹室著月樓吟稿

石瀨山房詩話月樓明慧能鼓琴尤精繪事設色花鳥娟秀絕倫既嬪以孝謹稱暇則怡情翰墨每寫一圖輒

題其上年三十賦未亡守節三十載詩筆冲和淡遠得風雅正軌

采蓮曲

紅藕花碧荷葉花如新樣妝葉似羅裙摺花明葉暗清且妍

障日承風水雲合中流緩櫂笑語回恐傷並蒂相徘徊

吾德明

字左芬海鹽人候選州判蕭應樾室著豈園吟

賈洲館詩話左芬性端敏尤嫻禮教與其弟孝廉德懋明經德沛比部德疑時相酬倡所親陸夫人淑以謝道

輶為比歸雨香相夫讀書室遭鄰火橋寓一椽蕭然四壁曾賦移居詩云貧家夫婦頻移地浩劫神仙亦聽天

其胸次曠達如此

題倪修亭拔釵沽酒圖

平原十日愛留賓，斗酒難謀待賁春。  
并卻花鈿多換得，女中豪傑算夫人。

嵇阮聯吟罄百杯，釵頭典慣不須猜。  
被他質庫胡盧笑，料是

田家客又來。

沈烈女 石門人

石門詩存烈女玉溪鎮人幼字姚蕙未婚姚卒女請於父母奔夫喪終喪三年後乃絕粒三十二日復吞錢十餘枚以殉年僅二十有三

絕命詞

少小曾繙列女編，敢將心迹擬前賢。  
祇知從一而終義，一路追隨到九泉。

吳玖 字瑟兮石門人吳夔庵女奉天府丞

桐溪詩述女史幼有才名居京師嘗出觀寫韻樓畫册一時名士題咏甚多朱芷灣太史有詩云平生放筆寫

疏狂十丈藤箋了不長到此樓前低  
下拜始知菩薩勝金剛其推重如此

思歸

思歸空負溪山約何日重登寫韻樓寒月滿窗花影瘦催人

雙鬢又逢秋

顧

慈

字昭德江蘇無錫人四川按察使光  
旭女平湖舉人張誠室著韻樓詩稿

家傳略響泉先生家法綦嚴訓女如子太夫人七歲受  
毛詩女戒諸書能通大義旁及漢魏六朝三唐靡不研  
究見亭河帥麟慶嘗錄其詩入闡秀正始集

秋日雜興

景氣日夕佳悄然媚幽獨人事有遷移化工自往復生小在

長安一夢十年速且泛黃金花空香散林屋矯首瞻太虛秋

光淒以肅開軒風動帷弄水月盈掬千門響砧杵幽人淡芳

菊

春暮

落花滿芳砌流水入琴弦斜日移松影歸雲帶暝煙推遷歸  
大化荏苒感流年不醉陶公酒長歌五柳前

秋懷

昨日秋聲到竹關朝來爽氣滿西山渚蓮零落誰相賞嶺桂  
敷榮取次攀流水年華雙鬢改卷簾風月一庭閒從今悟得  
無言諦漫與詩篇合盡刪

俞

繡字絳史平湖人  
廩生胡金題室

游黃雪山莊

檐鵲催人起妝成下畫船小橋通細路高閣俯平田紅杏明  
於火垂楊散若煙東風須護惜莫放紙鳶顛

胡

綠字香輪號碧窗平湖人副貢昌基  
女許景鐘室著琴韻樓詩二卷

緝雅堂詩話女史性純孝多藝能尤工六法氣韻娟秀  
蓋才德兼備惜得年不永然如留春一律卓卓可傳也

留春

留春無計送春回  
泥飲何須婪尾杯  
長日暗移新節序  
綠陰深護舊樓臺  
幾番風信催桐乳  
一夜雷聲迸竹胎  
睡起關心無別事  
捲簾好待燕歸來

暮春卽事

怪底花殘香亦消  
空教柳絮滿天飄  
惜春人似尋芳蝶  
猶逐輕風過小橋

琴韻樓春盡遣懷

搓煙垂柳一絲絲  
簾押無風春晝遲  
正是養花天氣好  
又緣小病負芳時

題施少峯先生小山叢桂圖

一泓玉灣水直向阜林注幽人結茅屋年年谿上住谿水秋  
來沒釣磯及山甌山澹翠微露脚斜飛秋月白人在小窗讀  
周易連蜷桂樹綠陰濃黃雪階前深一尺

鏡花懷大兄六弟時應試郡中

未必人多喜新翻花樣成只因能結撰亦解放光燭一點心  
同照三更夢乍驚宅鄉風信早暗暗促歸程

汪

鈴

字月珠桐鄉人侯選知州程尚贊室

桐溪詩述宜人幼嫻吟詠夫亡年僅二十一毀容守志遺二女亦能詩其一適德清翰林徐天柱所學尤邃皆宜人教也守節四十七年府縣志皆有傳

夜課

鏡怯寒威焰不青忽聞急雪打窗櫺宵深未敢拋刀尺爲伴  
孤兒課一經



陸蕙心 桐鄉人舉人世採女歸安沈咸孚室

陸敬安曰沈氏姑德性幽閑大母施太恭人最愛之少嫺吟詠詩格清新姑夫沈虛舟咸孚為歸安名士結褵未久即得痲疾姑遂絕口不吟詩幼時所作亦深自諱匿不以示人余請之再三始得見之

詠松

瘦石寒梅共結鄰  
亭亭不改四時春  
須知傲雪凌霜質  
不是繁華隊裏身

秋日閒居

翠幙初褰小閣幽  
茶煙裊裊拂簾鉤  
一庭秋色堪吟賞  
底事詩人慣說愁

秋夜

細雨初收爽氣浮  
香飄桂樹露華秋  
姮娥也愛窺書史  
先遣清光入小樓

孔昭蕙

字樹香，桐鄉人。貢生。廣南女。嘉興諸生朱萬均室。著桐華書屋詩鈔。

縣志：恭人秉性嫺雅，孝事父母，友愛諸姊妹。及從兄弟，自以無兄弟，迎養父母於家，奉侍終身。生養死葬，不貽憂於嗣弟。命子為外太父母，講封如例。

詩才敏妙，吳澹川、顧樊桐皆推重之。冷廬雜識：朱九山觀察其鎮之母孔太恭人，幼櫛交翰，楷則亦工。觀察書法秀勁，負盛名。於時蓋得於母教者，多觀察授館職後，由京寄書稟講迎養，作三絕句示之。

有瞻雲且緩思，親念好把文章答。聖朝及暇日，鳳池須記取。舊汀鷗鷺莫相忘之句。

中秋玩月

今夜團圓月，清光萬里同。恐添慈母思，不敢說山東。

張

密

烏程人。翰林編修。映斗女。刑部員外郎。仁和。金忠澤室。

題汪經歷畫蘭

妙絕生花筆，前身是若蘭。相看墨汁淡，稱此素心寒。虛室偶

來月佳人正倚闌，春風自憫悵珍重，幾回看。

張安 烏程人密妹廣東鹽運司經歷秀水汪禮室

題外子畫蘭

玉砂文盞護天真方絮描摹若有神省識儵然林下意前生可是此花身

蘇始芳 字幼馨江蘇山陽人盛京錦州知府烏程潘尙仁妾著筠綠牘稿

撫琴篇呈夫子

眾籟息遙夜冷蟾照疏林焚香拂石几可以張素琴一彈礪泉響幽意時已深再彈松風來謾謾吹衣襟以茲太和調寫我幽貞心朱絃自疏越匪君孰賞音

徐茵 字湘生號古蘓又號南林內史烏程武生莘開室著古蘓吟稿二卷

孫燮序畧茵為沈宗憲女弟子工書畫開亦善畫學宗騫夫婦皆隱惟以文章筆墨自娛開早卒茵子然一身年邁猶能作小楷畫著色山水談詩終日不倦卒年九十餘

仿衡山小幅自題

那教胸次暫相忘  
夢裏秋山引興長  
料得山中花已少  
半林紅葉豔斜陽

為姚讀卿題雨窗懷舊圖

悵別心情未易描  
等閒誰與話無聊  
階前蟲語燈前影  
記取

疏簾第幾宵

温慕貞

烏程人宋時發室著隱硯樓詩

擷芳集朱氏家無負郭田慕貞矢志柏舟惟辛勤紡績以供菽水杼柚之勞設書案日以詩自道其奇窮之況

時人以爲賢而才者

吳興詩話硯隱樓詩佳句如田裏蛙聲喧雨後澗邊桐葉報秋遲多淒楚之音

吳興竹枝詞

畫舫蘭橈競往還  
游人爭說道場山  
歸舟晚度斜陽裏  
雲卷

盤陀石影閒

溫廉貞

烏程人慕貞妹長與王靜甫室

采若編溫氏年二十三適王逾三載夫卒竭力營葬事姑孝姑歿歸依母氏五十餘課徒為業

秋蟲

門掩寒蟲落葉遲閒聽唧唧不勝悲高低自譜無絃曲斷續  
如含飲恨思孤館酒醒霜月夜荒園人靜夕陽時可憐無限  
傷心事著意鳴秋秋不知

羊城送錢夫人赴永安州署

兩岸青山歸路賒那堪回首夕陽斜鷓鴣嗁盡離人淚江水  
聲中怨落花

來時知己兩心同去日分飛西復東寂寞今宵千里夢蕭蕭  
風雨泊孤篷

姚益鱗

字竹筠歸安人嚴北  
蓀室著吟香樓遺草

初夏

綠陰成幄悵春歸滿眼雲光又一時水閣風迴銷畫永梅窗  
雨過逗涼遲條條柳綫迷芳岸點點荷錢破碧池簾捲西軒  
閒坐久譜將清景入新詩

張憶梅

江蘇震澤人歸安潘  
必發室旌表節孝

蕉窗

西風簌簌動疏林書幌誰憐月色侵憶昔蕉窗對琴坐翦鐙  
同詠白頭吟

潘本溫

字虹衢號茹芝山人歸安人候選知縣女  
龍女長興嚴墟室著桐韻詩剛夢花小草

顯芳集本溫讀詩書明義理適嚴芳園貧不  
能支兼以兄弟摧折懷抱多傷悵悵而卒

得家書

常把金錢擲燈下忽聞雙鯉報平安緘中未盡相思語多恐  
深閨不忍看

陳長生

字婦笙一字秋穀錢塘人太僕寺卿兆裔女

孫廣西巡撫歸安葉紹棿室著繪聲閣詩稿  
吳興詩話琴柯太史倡隨一室璧合珠聯警句如雨  
苔蘚移蝸舍風送飛花繫網絲碧桃重似垂頭睡紅藥  
殘如半面妝雲外鐘聲契口渡雨中鏡影洞庭船茗椀  
潤添蘭葉露金鈴低語柳絲風清麗芊縣不拾牙慧

秋江晚行

落日下江潯暝色在高樹漁燈生遠岸  
厯亂不知處微聞柔櫓聲又繞蘆洲去

花朝曲

去歲花朝花已落十丈殘紅飄繡幕  
今歲花朝花未開春風不到蛾原來  
蛾原已作經年住欲覓春花無覓處  
空餘芳草綠萋萋愁說王孫從此去  
王孫欲歸歸得無孤燈深夜聽呢呢

烏此時卻憶故園柳綠到門前第幾株遙知柳綠無人折都  
爲年年不知別今朝醜酒酹花神定祝春花堆似雪春花似  
雪不歸家卻看他鄉雪作花莫怪花神無賴甚不移春色到  
天涯

初夏二首

未必春殘勝事稀綠窗人靜惜芳菲雨餘瘦蝶伶俜舞風軟  
閒花自在飛偶課金經頻檢字爲調玉軫罷裁衣屏紗欲掩  
還重啟好待雕梁乳燕歸

虛堂瑟瑟度南薰炷盡沈檀散午芬沸鼎茶聲疑作雨隔簾  
花氣欲生雲嘔心句少吟逾苦信手碁多敗亦欣小倦不須  
尋素簾碧闌干外易斜暝

黃陵廟



蒼涼古寺俯明湖  
芷屋椒堂事有無  
未辨芳魂來澧浦  
空傳清淚灑蒼梧  
花深紺殿飛胡蝶  
月冷青山叫鷓鴣  
莫向汀洲尋翠珮  
湘南到處長蘼蕪

春曉

翠幕沈沈不上鉤  
曉來怕看落花稠  
紙窗一綫誰穿破  
又放春風入畫樓

周星薇

歸安人福建廈門同知葉紹棻室

悼鸚鵡

羽毛纔就慘青霜  
敲斷銀環恨渺茫  
連日誦經知有意  
昨宵說夢已非祥  
綠衣原擬藏金屋  
丹詔何年下玉皇  
應伴飛瓊充鳥使  
彩霞深處任迴翔

謝爾多年傍畫樓  
喚茶聽雨太綢繆  
也知羽化空千劫  
可有

魂來轉十洲金鎖敲殘深院月錦籠長閉故宮秋不堪回首  
雕闌畔紅豆青櫻一片愁

葉令儀

字淑君歸安人佩蓀女錢慎室著花南吟榭遺草

吳興詩話令儀詩筆深婉善於言情以羸疾卒

舟夜

小艇低昂睡不成夜深猶自促歸程滿窗涼月白於水船底  
忽聞魚斲聲

重登匯沮南樓感賦

幼隨先太夫人居此

尙書坊下繫扁舟二十年來證舊游曲徑頽垣疑入夢斜風  
細雨又登樓簾前弱草餘春色檻外疏梅綰昔愁痛絕白雲  
何處望餘暉多送逝川流

匯沮村景偶成

浴蠶天氣不知寒紙閣幽居夢亦安帆影多從窗隙過溪光  
合向鏡中看蒔花小圃宜鶯粟賣菜孤村喚馬蘭清景依稀  
似疇昔夕陽紅處凭闌干

自吳門放舟至武林

輕帆六月下姑蘇故國依稀隔吳區地湧江山開雨浙天分  
牛斗屬三吳樓臺處處宜煙雨桑苧家家入畫圖風景頻年  
勞夢想稻花香裏認歸途

維揚舟次

日落潮平後行人一繫舟鐘聲隄畔寺簾影水邊樓鐙火春  
城暮鶯花異代愁廿年江北夢今日下揚州

曉起偶成

輕寒漠漠雨絲絲正是錢塘三月時鶯語綠窗人未起街前

喚賣豆娘兒

曉來晨旭逗熹微  
喜見空庭綠漸肥  
胡蝶不知花已落  
雙雙還傍畫闌飛

錢塘懷古

隄畔何人話宋宮  
畫船簫鼓夜鐙紅  
遙知五國城邊月  
照入西湖便不同

初夏偶成

躑躅花開暮雨餘  
送春天氣此幽居  
棋枰半取殘箋補  
詩草時尋退筆書  
節序關心殊苦樂  
韶華過眼有乘除  
年來怕上蘇隄望  
愁見垂楊綠映裾

葉令嘉

字淡宜歸安人佩蓀次女  
令儀妹舉人沈元培室

寄姊

蛾原分手隔天涯風雨聯牀願尙賒  
兩地空煩詩代簡三春同有夢還  
家病多漸識君臣藥別久愁看姊妹  
花他日相思勞遠望五雲多處是京華

汪

璫字璫弟烏程人候選員外郎照女德清徐以坤室著修竹吾廬詩稿

懷舍弟都中

上苑棲枝後春風又一年雁行看斷續  
風景若纏絲親在驚年老家貧望汝賢  
無爲戀微祿早放潞河船

答夫子

詩籤藥裏閒茶鐺方丈維摩得坐忘  
我是散花成法喜鹿車挽處其徜徉

陳瑞輝

永嘉人張曾室

哭妹

小謫紅塵十九年文姬仍去作書仙三生空繫紅絲縷一柱  
旋悲錦瑟絃胡蝶夢中尋舊侶鴛鴦豕上了前緣只今姊妹  
花開日一度看時一愴然

子泰青捷秋闈口占示勉

雖是秋風得意還莫將故態逞癡頑功夫不廢芸窗下姓氏  
期登蕊榜閒桂子一枝看已折杏花三月更思攀春來衣錦  
榮歸里祖父泉臺亦解顏

錢蕙纒

江蘇嘉定人塘女平陽陳  
振孟室著女書癡詩彙

吳承志曰蕙纒父塘博學富著述蕙纒與諸妹俱嫻文  
翰適振孟後孤吟無和鬱不自得生一子而卒遺稿  
有述古賦離愁賦歎述文各一篇詞八闋皆振孟弟乙  
蕙輯刊刻詩彙乃福鼎林滋秀所定乙據以付梓昔前  
有葉嘉倫及仁和孫仁開二序仁開序述蕙纒本末甚  
詳云于歸後旋失怙不數年翁姑相繼歿家日落振孟  
復不能治生游學他郡蕙纒哀死念生傷離怨別往往  
寄之於詩以憂愁構疾遂致不起其說根據乙所言狀

據述古賦云具維黍稷以供母執一經以教子且灌園以  
自給雖傭春而弗恥輕五斗而歸耕卜百錢而開肆  
鹿車以偕隱泣牛衣而相對是皆無負於覆載亦兼  
夫公私既涵養於平日故用濟於一時始通塞其各  
終名實之無虧導義跡於大道雖窮困而勿悲似  
詩之傷離怨別由其夫不遵義跡而然非不能治生之  
謂乙說殆有所諱也集中送外之廣陵云往事休重省  
時來且自強示兒云藪俗真堪棄澆風不可開葉楚材  
詩鈔餘錄載滋秀所刪原稟春閨怨云離別經時久憂  
思多不顯示兒云含熊異日須勤讀萬種憂愁待爾伸  
四詩俱明白指斥其所遭可知嘉榆序云思親哭父諸  
篇言不能嘉榆與振孟之叔夏官相習灼知振孟自幼  
遺教故極言錢氏家教之正以規之蕙纓諸作怨誹而  
不失教故極言錢氏家教之正以規之蕙纓諸作怨誹而  
不亂數語足資論定矣女書癡小章名見嘉榆序蓋蕙  
纓自題同治嘉定志收入藝文詩古體遠追六朝今體  
逼近唐音充其所至亦  
長離閣澹菊軒之亞云

秋興

清秋景物正懷然落葉陰雲攪暝天關塞迢遙初度雁園林  
蕭索尚鳴蟬紗窗一夜聽寒雨寶鏡來朝失少年獨有傲霜

籬下菊數枝相映兀新鮮

山居秋暝

幽居清且靜木葉落高秋天迴孤鴻度溪深暗水流山鐘傳  
遠寺江月照行舟樹杪歸鴉亂飛鳴去復留

雪朝樓望

曉色寒尤峭妝餘掩鏡臺捲簾潭影入啟戶雪光來平野連  
雲遠遙山帶霧開春風雖未至牆外已舒梅

秋感

涼颺日夜至落葉滿平原敷榮豔春節萎脫餘秋根客心易  
感物豈不思故園別離經萬里愁苦難具言昔爲掌中珍錦  
幄施華軒今作路旁草稀逢雨露恩飄零每自惜患害仍朝  
昏內養學元豹外術慚白猿湘江有餘恨紈扇多愁怨雇勉



同濟車車系金 卷三十一  
修令德遷延弭眾冤歸雲擁晨日昏鳥向林翻獨立久延佇  
憂傷誰與論

夜坐

遙夜不成寐披襟坐前扉涼月下庭砌北風吹羅幃花陰紛  
倚薄潭影相含輝人幽境逾寂心定無是非有衣聊自著有  
筆聊自揮顧影卽爲伴閒吟亦療飢疏傭存我拙傲慢任人  
誹失足良可憫堅志誰能違盈滿易傾覆榮枯同所歸遲明  
園徑熟浥露摘芳薇

示兒

撫育誠非易當時且自勤綢繆防暑雨補綴候寒雲薄俗真  
堪棄澆風不可聞逸勞古有訓遲爾必超羣

夢歸晤諸妹

萬籟聲俱寂殘燈不復明江城忽已到小妹最多情喜極悲  
交集心孤魂已驚此時無一語伏枕淚頻傾

遣意

迢遞來甌海羈危過一生歸期看馬角鄉信聽鴻聲團扇倩  
幽思胡笳寄遠情遭逢時各異此恨幾能平  
野色荒山曲荆扉亂樹根月明稀見雁風急但聞猿愛古觀  
書籍銷愁借酒樽暇時還覓句誰與細評論

自題詩彙後二首

柳子飄零瘴海邊李陵憂患託詩篇悲深擬賦思鄉曲感切  
翻成滴淚編精衛銜時山木盡杜鵑嗥處血痕鮮明知似病  
應無藥遣恨惟憑一幅箋

託跡殊方倍黯然遙吟俯唱亂山邊廿年淚灑臨江樹午夜

魂迷隔浦煙蟬噪偶舒齊女怨鴻飛欲奏伯牙絃引商刻羽  
成何事敢比蘇家織錦傳

夏午睡起

倦來停繡倚窗紗一枕安眠日已斜忽地清風簾外過滿庭  
紅糝石榴花

陳

瑛字式玉號心壺歸安人  
塘女錢塘諸生在弢室

題湯漱玉寒閨病趣圖

綺窗岑寂繡簾垂曉鏡慵開罷掃眉想倚翠籠呵凍筆不緣  
多病廢臨池

瘦骨應知怯峭寒游仙一枕夢初闌祇今唯有梅花月夜夜  
猶來照玉欄

兩浙輶軒續錄卷五十二